

ქ. თბილისი

10 აპრილი 2023 წელი

ხელშეკრულების დამდები მხარეები

ერთი მხრივ სსიპ „შემოსავლების სამსახური“ მისი ფინანსური დეპარტამენტის უფროსის მიხეილ ახვლედიანის სახით (შემდგომში - „შემსყიდველი“) იურიდიული მისამართი: ქ. თბილისი, გორგასლის ქ. №16, ს/კ: 204525585, სახელმწიფო ხაზინა, კოდი: TRESGE22 ანგარიში/სახაზინო კოდი: 70701

(ორგანიზაციის დასახელება და იურიდიული მისამართი)

და მეორეს მხრივ შპს „კავკასია პლიუსი“ (შემდგომში მიმწოდებელი) მისი დირექტორის თენგიზ კანდელაკიშვილის სახით, იურიდიული მისამართი: ქ. თბილისი, ბელიაშვილის ქუჩის გაგრძელება; ტელეფონის ნომერი: 2964038; ელ-ფოსტა: caucasusplus@gmail.com ს/კ: 205083201, სს „პროკრედიტ ბანკი“, კოდი MIBGGE22, ა/ა GE43PC0133600100064251.

(ორგანიზაციის დასახელება და იურიდიული მისამართი)

შემსყიდველმა სსიპ - შემოსავლების სამსახურის მიერ გაწეული მომსახურების საფასურიდან მიღებული სახსრებით გამოაცხადა თანამშრომლებისთვის, ზამთრის მაღალყელიანი ფეხსაცმლის (CPV18815000 - ყელიანი ფეხსაცმელი) სახელმწიფო შესყიდვაზე ელექტრონული ტენდერი და ტენდერის (განცხადების ნომერი: NAT230004427) შედეგად მიმწოდებელმა აიღო ვალდებულება, მიაწოდოს შემსყიდველს ზემოაღნიშნული საქონელი 630 000.00 (ექვსას ოცდაათი ათასი ლარი და 00 თეთრი) ლარად.

1. ხელშეკრულების ღირებულება

1.1 საქონლის დასახელება, ტექნიკური მახასიათებლები, აგრეთვე რაოდენობა, ერთეულის ფასი და საერთო ფასი მოყვანილია დანართი №1-ში, რომელიც თან ერთვის აღნიშნულ ხელშეკრულებას და წარმოადგენს მის განუყოფელ ნაწილს.

1.2 ხელშეკრულების საერთო ღირებულება შეადგენს 630 000.00 (ექვსას ოცდაათი ათასი ლარი და 00 თეთრი) ლარს.

1.3 საქონლის ერთეულის ფასი და ხელშეკრულების ფასი შეიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს, დაკავშირებულს საქონლის მიწოდებასთან.

2. ხელშეკრულების შესრულების კონტროლი

2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

2.2. ხელშეკრულების მიმდინარეობის კონტროლის მიზანს წარმოადგენს:

2.2.1. საქონლის მიწოდების ვადების ხელშეკრულების მოთხოვნებთან შესაბამისობის დადგენა;

2.2.2. შესაბამისი შემოწმების აქტის საფუძველზე მიწოდებული საქონლის ან/და მისი ნაწილის ხარისხის ხელშეკრულების მოთხოვნებთან - ხელშეკრულების დანართი №1-ში მოცემულ მახასიათებლებთან შესაბამისობის დადგენა ინსპექტირების აქტის გაფორმება.

2.2.3. სახელმწიფო შესყიდვის შესახებ ხელშეკრულების პირობების შესაბამისად წარმოდგენილი დოკუმენტების საფუძველზე მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება.

2.3. შემსყიდველი შესყიდვის ობიექტის მიწოდების კონტროლს ახდენს სისტემატიურად, საკუთარი შეხედულებისამებრ. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

2.4 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

2.5 ხელშეკრულების შესრულების კონტროლს ახორციელებენ სსიპ „შემოსავლების სამსახურის“-ს უფროსის ბრძანებით განსაზღვრული პირთა ჯგუფის უფლებამოსილი წევრი ან წევრები.

3. შესყიდვის ობიექტის მახასიათებლები

შესყიდვის ობიექტის ტექნიკური პირობები მოცემულია ხელშეკრულების დანართ №1-ში.

4. შესყიდვის ობიექტის მიწოდების პირობები, ვადა და ადგილი

4.1. საქონლის მიწოდება ყველა ხარჯის გათვალისწინებით მიმწოდებელმა უნდა განახორციელოს ხელშეკრულების გაფორმებიდან 90 (ოთხმოცდაათი) კალენდარული დღის განმავლობაში.

4.2. მიწოდების ადგილია: ქ.თბილისი აბოიანიძის ქუჩა N4.

4.3. მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით.

4.4. მიმწოდებელი ვალდებულია უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება ხორციელდება მხარეებს შორის გაფორმებული მიღება-ჩაბარების აქტის საფუძველზე, მიმწოდებლის მიერ სრულად მიწოდებული საქონლის შესაბამისად.

5.2. იმ შემთხვევაში თუ, მიწოდებული საქონელი შეესაბამება ხელშეკრულების დანართი №1-ით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე ახორციელებს მიწოდებული საქონლის მიღებას, ხოლო თუ, საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს წუნდებული საქონელი და დაუბრუნოს იგი მიმწოდებელს მიმწოდებლის ხარჯით.

5.3. მიღება-ჩაბარების აქტის გაფორმებასთან ერთად, მიმწოდებელი ვალდებულია შემსყიდველს წარმოუდგინოს საქართველოს კანონმდებლობით გათვალისწინებული შესაბამისი საგადასახადო დოკუმენტაცია - სასაქონლო ზედნადები და საგადასახადო ანგარიშგაქტურა.

5.4. შემოსავლების სამსახურის ფინანსური დეპარტამენტის უფროსის მოადგილე ამოწმებს სახელმწიფო შესყიდვის შესახებ ხელშეკრულებათა შესრულების კონტროლის განხორციელების მიზნით მუდმივმოქმედი ინსპექტირების ჯგუფის უფლებამოსილი წევრის/წევრების მიერ ინსპექტირების განხორციელების ფაქტს და შესაბამის ინსპექტირების აქტზე მისი/მათი ხელმოწერის არსებობას. შესაბამისი ფორმით შედგენილი ინსპექტირების აქტზე ხელმოწერების არსებობის შემთხვევაში ფინანსური დეპარტამენტის უფროსის მოადგილე ხელს აწერს მიღება-ჩაბარების აქტს.

6. ანგარიშსწორება

6.1 ანგარიშსწორება მიმწოდებელთან განხორციელდება უნაღდო ანგარიშსწორების ფორმით ლარში, მიმწოდებლის მიერ ფაქტიურად მიწოდებული საქონლის ღირებულების შესაბამისად.

6.2 ანგარიშსწორება განხორციელდება მიმწოდებლის საბანკო რეკვიზიტებზე.

6.3 ანგარიშსწორება მიმწოდებელთან განხორციელდება ხელშეკრულების 5.3. პუნქტით გათვალისწინებული დოკუმენტაციის საფუძველზე, წარმოდგენიდან არაუგვიანეს 10 (ათი) სამუშაო დღის განმავლობაში.

7. მხარეთა ვალდებულებები

7.1. „მიმწოდებელი“ ვალდებულია:

7.1.1. მიაწოდოს „შემსყიდველს“ ნივთობრივად და უფლებრივად უნაკლო საქონელი;

7.1.2. „შემსყიდველს“ მიაწოდოს საქონელი ხელშეკრულების პირობების შესაბამისად და უზრუნველყოს თანმხლები დოკუმენტაციის წარდგენა;

7.1.3. უზრუნველყოს წუნდებული საქონლის შეცვლა 10 (ათი) კალენდარული დღის ვადაში;

7.1.4. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2. „შემსყიდველი“ ვალდებულია:

7.2.1. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს მიწოდებული საქონლის ღირებულება.

7.2.2 დაიცვას ხელშეკრულებით გათვალისწინებული ყველა პირობა.

8. გარანტია

8.1. საქონლის ტექნიკური მახასიათებლები და ხარისხი უნდა შეესაბამებოდეს ამ ხელშეკრულების ფასების ცხრილში (დანართი №1) მითითებულ მაჩვენებლებს.

8.1.1. მიწოდებულ საქონელზე საგარანტიო პირობა ვრცელდება მიღება-ჩაბარების აქტის გაფორმების თარიღიდან **2 (ორი) წელი**.

8.1.2 ხელშეკრულების მოქმედების ნებისმიერ ეტაპზე და ასევე მისი მოქმედების დასრულების შემდგომ, აღმოჩენილი ხარვეზის ან/და ნაკლის არსებობის შემთხვევაში (მათ შორის ფორმისა და ფერის დაკარვა), მიმწოდებელი ვალდებულია 10 (ათი) კალენდარული დღის ვადაში გამოასწოროს იგი ან შეცვალოს ახალი შესყიდვის ობიექტით, შემსყიდველის მხრიდან დამატებითი დანახარჯების გაწევის გარეშე.

8.2. „შემსყიდველს“ უფლება აქვს:

8.2.1. აწარმოოს მიწოდებული საქონლის ხარისხისა და რაოდენობის კონტროლი;

8.2.2. განაცხადოს უარი უხარისხო საქონლის მიღებაზე.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება

გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

9.4 ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელის შემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1. შემსყიდველი უფლებამოსილია ამ ხელშეკრულების 4.1 პუნქტით გათვალისწინებული საქონლის მიწოდების ვადების გადაცილების შემთხვევაში დააკისროს მიმწოდებელს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,05 %-ის ოდენობით;

13.2. შემსყიდველი უფლებამოსილია ამ ხელშეკრულების 8.1.1 პუნქტით გათვალისწინებული ვადის გადაცილების შემთხვევაში ყოველ კონკრეტულ ფაქტზე დააკისროს მიმწოდებელს პირგასამტეხლო ყოველ ვადაგადაცილებულ დღეზე ჯამური ვალდებულების ღირებულების 0,15%-ის ოდენობით;

13.3. იმ შემთხვევაში თუ ხელშეკრულების დანართი N1-ით გათვალისწინებული პარამეტრები განსაზღვრული საქონლის მიწოდების დროს გამოვლინდა, რომ აღნიშნული საქონელი არ შეესაბამება დანართი N1-ით გათვალისწინებული პარამეტრებს ან/და შერჩევა-შეფასების ეტაპზე წარმოდგენილ ნიმუშს, მიმწოდებელი დაჯარიმდება ხელშეკრულების ჯამური ღირებულების 10%-ის ოდენობით და შემსყიდველი იტოვებს უფლებას ცალმხრივად შეწყვიტოს ხელშეკრულება.

13.4. მიმწოდებელი უფლებამოსილია ამ ხელშეკრულების 6.3 პუნქტით გათვალისწინებული ვადის გადაცილების შემთხვევაში დააკისროს შემსყიდველს პირგასამტეხლო ყოველ ვადაგადაცილებულ დღეზე მოცემულ მომენტში გადასარიცხი თანხის 0,05%-ის ოდენობით;

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. ერთი მხარის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. საქართველოს მოქმედი კანონმდებლობით გათვალისწინებულ სხვა შემთხვევებში.

15. სახელმწიფო შესყიდვების შესახებ ხელშეკრულების შესრულების უზრუნველყოფა

15.1. ხელშეკრულების გაფორმებისას მიმწოდებელმა უნდა წარმოადგინოს ხელშეკრულების შესრულების უზრუნველყოფის საბანკო გარანტია ხელშეკრულების ჯამური ღირებულების 5 %-ის ოდენობით.

15.2 იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ სახელმწიფო შესყიდვების შესახებ ხელშეკრულების შეუსრულებლობის გამო, მიმწოდებლის მიერ წარმოდგენილია ხელშეკრულების შესრულების უზრუნველყოფის უპირობო და გამოუთხოვადი სს „პროგრედიტ ბანკი“-ს მიმდინარე წლის 10 აპრილის საბანკო გარანტია N2113403, გაცემული 32 000.00 (ოცდათორმეტი ათასი ლარი და 00 თეთრი) ლარის უზრუნველსაყოფად.

15.3. მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, შემსყიდველი უფლებამოსილია ხელშეკრულების შესრულების საბანკო გარანტიის მოქმედების პერიოდში მიმართოს გარანტიის გამცემ ორგანოს (გარანტს) და მოითხოვოს ხელშეკრულების შესრულების საბანკო გარანტიით გათვალისწინებული თანხა.

15.4. მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი მიღება-ჩაბარების (შესრულების) აქტის გაფორმებიდან 1 თვის ვადაში მიმწოდებლის წერილობითი მოთხოვნის საფუძველზე უზრუნველყოფს ხელშეკრულების შესრულების საბანკო გარანტიის დაბრუნებას.

15.5. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი მიმწოდებლის მოთხოვნისთანავე უზრუნველყოფს ხელშეკრულების შესრულების საბანკო გარანტიის დაბრუნებას.

16. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერისთანავე და მოქმედებს 2023 წლის 31 აგვისტოს ჩათვლით, გარდა ამ ხელშეკრულების მე-8 მუხლით განსაზღვრული ვადისა.

„შემსყიდველი“
სსიპ „შემოსავლების სამსახური“

„მიმწოდებელი“
შპს „კავკასია პლიუსი“

მიხეილ ახვლედიანი
ფინანსური დეპარტამენტის უფროსი

თენგიზ კანდელაკიშვილი
დირექტორი

ფასების ცხრილი

№	საქონლის დასახელება	ტექნიკური მახასიათებლები/ მწარმოებელი კომპანია/ წარმოშობის ქვეყანა/ მოდელი	განზ-ბა	რაოდ-ბა	ერთეულის ღირებულება (ლარი)	ჯამური ღირებულება (ლარი)	მიწოდების ვადა (კალენდარული დღე)	საგარანტიო ვადა (მიღება- ჩაბარების აქტის გაფორმებიდან)	მიწოდების ადგილი
2	ზამთრის მაღალყელიანი ფეხსაცმელი	იხ. დანართში/ HAIX –Schuhe productions und Vertriebs GmbH/ ხორვატია/ BLACK EAGLE ATHLETIC 2.1 GTX MID/BLACK	წყვილი	1400	450	630 000	ხელშეკრულების გაფორმებიდან 90 კალენდარული დღის განმავლობაში	2 წელი	ქ.თბილისი, აბზიანძის ქ. №4

ტექნიკური აღწერილობა

ზამთრის მაღალყელიანი ფესხაცმელი

- ფერი - შავი (ფერადი ჩანარების გარეშე);
- ყელის სიმაღლე (ქუსლის ძირიდან) – 15 სმ
- ფესხაცმელს ცხვირის, გვერდების, საყელოს და ენის ზედაპირზე გააჩნია ბოჭკოვანი ტყავის და ჰაერგამტარი ქსოვილის დეტალები;
- შიდა სარჩული არის 3 შრიანი მემბრანული მასალით, რომელიც უზრუნველყოფს ფესხაცმლის წყალგამტარობას და სუნთქვადობას;
- ფესხაცმელს წინა მხარეს, ე.წ. ცხვირის ზონაში და უკანა მხარეს ქუსლის ზონაში გააჩნია ზედნადები (გადაჭიმული) დამცავი დეტალები;
- ძირს გააჩნია ფეხის ტერფის ანატომიური ფორმის, ამორტიზირების, სტაბილიზაციის და დარტყმის მშთანთქავი თვისებების მქონე სპეციალური დაპრესილი ფენები (შრეები). გარკვეულ ადგილებში გააჩნია სუპინატორი. გამოყენებული მასალა არის პოლიურეთანი, ცხვირის და ქუსლის ნაწილებში ფესხაცმელს გააჩნია სპეციალური დამცავი ჩანამატები, რომელიც ფეხს იცავს და ამცირებს დარტყმით გამოწვეულ ძალას, ძირის ფენებს შორის გამოყენებულია პოლურეთანის მასალა, გარე ნაწილი არის რეზინის, ანტისტატიკური, ზეთოვან ზედაპირზე მოცურების საწინააღმდეგო. ფიგურული ფორმის პროტექტორი - სიდრით 5მმ. (+/-1მმ). ნავთობპროდუქტებიან ზედაპირზე შეხებისას არ ხდება ძირის დაზიანება. სიმტკიცე გლეჯვაზე- ≥ 10.0 კნ/მ. ძირის წინა და უკანა დაბოლოებები აწეულია 10 მმ.-ზე (+/-1მმ). წინა და უკანა ნაწილის შეერთების ადგილი არის დაღარული რაც უზრუნველყოფს კიბეზე ან სხვადასხვა საფეხურებზე მყარ მოჭიდებას. ცხვირზე გააჩნია თერმოპლასტიური თითების დამცავი სისქით -0,8მმ.(+/-0,1მმ). ქუსლის ნაწილში, ფესხაცმლის ზედა და ქვედა ნაწილების შემაერთებელ ადგილზე გააჩნია სტაბილიზატორი;
- ჩასაფენი დამზადებულია პოლიურეთანის ქაფის მასალისაგან. ირეცხება, იცვლება და არის ნესტაუმტარი ამასთან, დაფარულია ჰაერგამტარი პოლიესტერის ფენით;
- თასმა არის მრგვალი ფორმის დიამეტრით 3 მმ. (+/-0,1მმ), სიგრძით 145 სმ. (+/-5მმ). ადვილად ეყრება გასაყრელებს. ფესხაცმელს გააჩნია 5 წყვილი თასმის გასაყრელი, რომლებიც დამზადებულია პლასტმასისაგან. თასმის ჯიბე არის დრეკადი და წელვადი მასალისგან შემადგენლობით: პოლიამიდი 72% $\pm$ 5%; ელასტინი 28% $\pm$ 5%;
- ფესხაცმელს უკანა ზედა ნაწილში გააჩნია 1-2 სმ სისქის დამხმარე სალტე, რომელიც უზრუნველყოფს ფესხაცმლის ადვილად ჩაცმას;
- ენა განთავსებულია ზედა ტერფიდან ფესხაცმლის ბოლომდე და დაბოლოებულია ფხრიწიანი სარქველით რომელშიც განთავსებულია ზონარის კვანძი და ახდენს ენის ფიქსაციას. ენა არის თავისუფალი და არ ზღუდავს ფეხს ჩაცმის დროს. ზადაპირზე ნაკერები შესრულებულია შავი ფერის წყალამსხლეტი ძაფით, ნაკერები არის თანაბარად დამორებული და სწორი;
- ფესხაცმელი შეესაბამება EN ISO 20347:2012 სტანდარტს.
- დამატებითი დამცავი ფუნქციები: O2, HRO, HI, CI, FO, SRC, WR